

# **Badische Landesbibliothek Karlsruhe**

## **Digitale Sammlung der Badischen Landesbibliothek Karlsruhe**

### **Urkunden und Akten der Stadt Strassburg**

Nachträge und Berichtigungen zu Bd. 1 - 3. Register zu Bd. 2, 3 und 4,1

**Schulte, Aloys**

**Straßburg, 1898**

1187 - 1188

[urn:nbn:de:bsz:31-326727](#)

Eberhart custos,<sup>1</sup> Morandus scolasticus, Heinrich de Veringen camerarius, Cünradus de Ütelenbruggen archidiaconus, Burcardus archidiaconus, Cünradus de Gundolingen archidiaconus. acta sunt hec 1187, indictione 5. 1187.

Aus dem Fürstenbergischen Urkundenbuch V, 75 nr. 113, 4 nach dem Orig. i. St.-A. von  
Villingen — Ladewig Reg. episc. Const. I nr. 1097.

5

9. Bischof Heinrich von Straßburg beurkundet den Verzicht der Herren von Hattstatt auf den von ihnen widerrechtlich gegenüber den Kirchen von Marbach und St. Thomas in Anspruch genommenen Bann in Obermorschweier. 1188.

: In nomine sancte et individue trinitatis : ego Heinricus dei gracia Argentinensis episcopus. notum sit omnibus fidelibus tam futuris quam presentibus, qualiter dominus Conradus de Hadestat contra justiam dei et hominum sibi usurpavit bannum in territorio Morswilre ita, ut locaret custodes vinearum agrorum et pratorum, et ea occasione in vendemiis et messibus magnum et intolerabile damnum ecclesie Marbacensi et ecclesie sancti Thome et parrochianis de predicta villa inferre non formidavit, cum tamen justicia ejusdem banni custodes eligendi et instituendi communiter omnibus sit communis. unde cum sepius a confessoribus suis et a religiosis viris commoneretur, ut a tali presumptione se contineret, tandem cum in extremis ageret, recognoscens realum suum in hoc facto, presentibus filiis suis et consentientibus Wernhero, Conrado, Eppone et canonicis Marbacensibus scilicet confessoribus suis, bannum in Morswilre, quem injuste diu sibi usurpaverat, liberum dimisit et filiis suis, ut de cetero se de eodem banno non intromitterent, interdixit. mortuo igitur domino Conrado filii sui non adtententes paternas ammoniciones et interdictum prefatum bannum invaserunt. videntes ergo canonici Marbacenses et sancti Thome et parrochiani de Morswilre grave damnum utile duxerunt, illos peccunia sua ab eodem banno removere. ipsi vero accepta pecunia fide bona promiserunt, quod de cetero nec Marbacensi ecclesie nec sancti Thome nec parrochianis aliquod gravamen irrogarent. sic ergo multo tempore libera fuit ab omni violentia banni sui predicta villa. tandem predicti fratres Wernherus, Conradus, Eppo inmemores pacti et accepte pecunie instinctu maligno iterum ceperunt eandem injuriam in predicto banno exercere. inde contigit, quod prepositus Marbacensis et prepositus sancti Thome et parrochiani de Morswilre duxerunt illos fratres in causam coram nobis super hoc negocio. illi vero in nostra constituti presentia dixerunt, quod idem bannus pertineret ad eos jure feudi. cum ergo diu<sup>a</sup> super hac causa coram nobis, presentibus ministerialibus ecclesie Argentinensis, disputatum esset, tandem consilio amicorum suorum et precibus

a) folgt radiates per.

35

<sup>1</sup> Derselbe war bei einem Aufenthalt in Rom zusammen mit dem Abt von Lützel von den streitenden Äbten zum Schiedsrichter erwählt worden. Papst Lucius III hatte dann in einer Urkunde von 1185 Februar 28 ihren Schiedsspruch zu Gunsten Tennenbachs bestätigt. Vergl. Fürstenb. Urk. B. a. a. O.